

清遠縣志卷六

經政 祀典

社稷壇每歲春秋仲月上戊日設主於壇硃漆書曰縣社神
縣稷神承祭官衣朝衣行二跪六叩禮三獻同讀祝一叩祭
品帛一色黑白磁爵三羊一豕一鋤二籩四豆四簋二簋二二
神同獻例支祭品銀十八兩五錢八分三厘在司庫耗羨動
支阮通志

按舊志云支祭銀八兩零八分

祝文 部頒

惟 神奠安九土粒食萬邦分五色以表封圻育三農而蕃
稼穡恭承守土肅展明禋時屆仲春秋敬修祀典庶芘芘松栢
鞏磐石於無疆翼翼黍苗佐神倉於不匱尚饗

清遠縣志

卷六

經政

謹按會典社稷壇為大祀

風雲雷雨山川城隍共一壇每歲春秋仲月致祭安設風雲
雷雨之神居中帛四縣境內山川之神居左帛二縣城隍之
神居右帛一共白色帛七陳設禮儀與社稷壇同經費在社
稷壇經費內匀支同上

按舊志云支祭銀一十七兩七錢零三厘

祝文 部頒

維 神贊襄天澤福佑蒼黎佐靈化以流形生成永賴乘氣
機而鼓盪溫肅攸宜磅礴高深長保安貞之吉憑依鞏固實
資捍禦之功幸民裕之殷盈仰神明之庇護恭修歲祀正值
良辰敬潔豆籩祗陳牲帛尚饗
雲祭每歲孟夏於神祇壇設祀如制經費即在社稷壇匀支

上同

按舊志云支祭銀一十八兩五錢八分三厘

祝文 部 頌

恭膺 詔命撫育羣黎仰體 彤廷保赤之誠勤農勸稼俯
維鄙屋資生之本力穡服田甲令爰頒肅舉祈年之典寅衷
將事用申守土之忱黍稷惟馨尚冀明昭之受賜來牟率育
庶俾豐裕於蓋藏尚饗

謹按會典神祇壇為中祀

先農壇每歲仲春亥日祭紅牌金字填寫先農神牌於壇承
祭官率所屬俱於前期致齋二日祭日各官俱穿朝服一切
禮儀陳設供品悉照社稷壇之例行祭祀經費例支銀四兩
四錢六分在藉田穀價動支 阮通志 按藉田歲入穀數清
遠十八石舊志不載並先農壇

清遠縣志

卷六

經政

一一

例支祭銀
亦不載

耕藉於祭壇畢各官換蟒袍補服縣官秉耒佐貳執青箱播
種行耕時用耆老一人牽牛農夫二人扶犁俱照九卿之例
九推九返農夫終畝耕畢各官率耆老農夫望

闕三跪九叩首農具俱用赤色牛用黑色箱用青色所盛籽種用
土宜藉田以四畝九分為率 同上 清 藉田歲入穀十八石 同上

祝文 部 頌

維 神肇興稼穡粒我蒸民頌思文之德克配彼天念率育
之功陳常時夏茲當東作咸服先疇欽惟

九五之尊歲舉三推之典恭膺守土敢忘勞民謹奉儀章聿修
祀事惟願五風十雨嘉祥恆沐於 神庥庶幾九穗雙歧上
瑞頻書於大有尚饗

謹按會典先農壇爲中祀

厲壇每歲清明日七月望日十月朔日祭無祀鬼神於本城之北郊稱邑厲用羊三豕三飯米三石香燭酒紙隨用祭時祭告城隍之神例支祭祀經費銀十四兩八錢三厘在存留

項下動支

同上

按舊志云原額支銀十二兩五錢四分九厘又奉勻酌撥祭祀銀二兩二錢五分四厘共一十四兩八錢零三厘

告城隍文

欽奉

皇帝聖旨普天之下率土之上無不有人無不有鬼人鬼之道幽明雖殊其理則一今國家治民事神已有定例尙念冥冥之中無祀鬼神昔爲生民未知何故而歿其間有遭兵刃而橫

清遠縣志

卷六

經政

三

傷者有死於水火盜賊者有被人強奪妻妾而忿死者有被人掠取財物而逼死者有誤遭刑罰而屈死者有天災流行而疫死者有爲猛虎毒蟲所害者有饑寒交迫而死者有因戰鬪而殞身者有因危急而自縊者有因牆屋傾頽而壓死者有死後而無子孫者此等鬼神或終於前代或沒於近世或兵戈擾攘流移於他鄉或人烟斷絕久缺其祭祀姓名泯沒於一時祀典無聞而不載此等孤魂死無所依精魂未散結爲陰靈或倚草附木或爲妖作怪悲號於星月之下呻吟於風雨之中凡遇人間令節魂杳杳以無歸意懸懸而望祭興言及此憐其慘悽故敕天下有司依期致祭命本處城隍以主此祭鎮按壇場鑒察諸神等類其中有爲良善誤遭刑禍死於無辜者神當達於所司使之還生中國永享太平之

福如有素爲兇頑身逃刑憲雖獲善終亦出僥倖者神當於所司屏諸四夷善惡昭報神必無私除欽奉外合就牒移城隍獄神弔出獄幽以享祭典永遠遵行

謹按會典厲壇爲羣祀

文廟每歲二八月上丁曰致祭經費例支銀六十九兩五錢八分一厘在存留地丁項下編支

按舊志云文廟及名宦鄉賢等祠共支銀五十兩零九錢九分八厘

前期二日至犧牲所省牲承祭分獻各官致齋二日用白紙糊版墨書祝文送至

文廟神庫黃案上安設一跪三叩頭退前一曰承祭官具朝服上香監視宰牲并座毛血正祭曰分獻陪祀各官入兩旁門

序立贊引官導承祭官至盥洗處盥手畢引至台階下立典儀唱樂舞生就位執事官各司其事分獻官陪祭官各就位贊引官贊就位承祭官就拜位立分獻官隨後立典儀唱迎神唱舉迎神樂奏咸平之章樂作贊引官跪叩興承祭官陪祀官分獻官俱行三跪九叩頭禮興樂止典儀唱奠帛行初獻禮唱舉初獻樂奏寧平之章樂作贊引官贊陞壇導承祭官由東階上進殿左門贊引官贊詣

至聖先師孔子位前承祭官至案前立贊引官贊跪叩興承祭官行一跪一叩頭禮興贊引官贊奠帛捧帛官捧帛跪進承祭官受帛拱舉立獻畢贊引官贊獻爵執爵官捧爵跪進承祭官受爵拱舉立獻畢行一跪一叩頭禮興不贊贊引官贊詣讀祝位承祭官詣讀祝位立讀祝官至祝案前一跪三叩頭捧

祝版立於案左樂止贊引官贊跪承祭官讀祝官分獻官
祀官各官俱跪贊引官贊讀祝讀祝官讀畢捧祝版至
正位前案上跪安帛匣內三叩頭退樂作贊引官贊叩興承祭官
及各官行三叩頭禮興贊引官贊詣

復聖顏子位前承祭官就案前立贊引官贊跪叩興承祭官一
跪一叩頭興贊引官贊奠帛捧帛官跪進於案左承祭官受
帛拱舉立獻案上贊引官贊獻爵執爵官跪進於案左承祭
官受爵拱舉立獻案上行一跪一叩頭禮興不贊詣

宗聖曾子位前

述聖子思子位前

亞聖孟子位前獻爵獻帛如前儀其

十二哲分獻官陞壇奠帛獻爵俱照承祭官行禮兩廡分獻官

亦照承祭官行禮畢贊引官贊復位承祭官分獻官各復位
立樂止典儀唱行亞獻禮唱舉亞獻樂奏安平之章樂作贊
引官贊陞

壇獻爵於左如初獻儀贊引官贊復位承祭官分獻官各復位立
樂止典儀唱行終獻禮唱舉終獻樂奏景平之章樂作贊引
官贊陞

壇獻爵於右如亞獻儀贊引官贊復位承祭官分獻官各復位立
樂止典儀唱飲福受胙贊引官贊詣受福胙位承祭官至殿
內立捧酒胙官一員捧酒胙至

正案前拱舉至飲福胙位右旁跪接福胙官二員在左旁跪贊引
官贊跪承祭官跪贊飲福酒承祭官受爵拱舉授接爵官贊
受胙承祭官受胙拱舉授接胙官贊引官贊叩興承祭官三

叩頭興贊復位承祭官復位立次行謝福胙禮贊引官贊跪
叩興承祭官分獻官及陪祀各官俱行三跪九叩頭禮興典
儀唱徹饌唱舉徹饌樂奏咸平之章樂作徹訖樂止典儀唱
送

神樂奏咸平之章樂作贊引官贊跪叩興承祭分獻陪祀各官皆
行三跪九叩頭禮興樂止典儀唱捧祝帛饌各恭詣燎位捧
祝官捧帛官至各位前一跪三叩頭捧起祝文在前帛次之
捧饌官跪不叩頭捧起在後俱送至燎位承祭官退至西旁
立候祝帛饌過仍復位立典儀唱望燎唱舉望燎樂咸平樂
作贊引官贊詣望燎位導承祭官至燎位立祝帛焚訖贊禮
官贊禮畢退

祝文

部頒

清遠縣志

卷六

經政

六

惟

先師德隆千聖道冠百王揭日月以常行自生民所未有屬文教
昌明之會正禮和樂節之時辟雍鐘鼓惟恪薦於馨香泮水
膠庠益致嚴於籩豆茲當仲春秋秋祇率彝章肅展微忱聿陳祀
典以

復聖顏子

宗聖曾子

述聖子思子

亞聖孟子配尚饗

樂章

迎神樂奏咸平之章 無舞

大哉 至聖道德尊崇維持王化斯民是宗典祀有常精

並隆神其來格於昭聖容

初獻樂奏寧平之章 有舞

自生民來誰底其盛惟師神明度越前聖粲帛具成禮容斯稱黍稷非馨惟神之聽

亞獻樂奏安平之章 有舞

大哉 聖師實天生德作樂以崇時祀無斃清酤惟馨嘉牲孔碩薦羞神明庶幾昭格

三獻樂奏景平之章 有舞

百王宗師生民物軌瞻之洋洋神其寧止酌彼金罍惟清且旨登獻惟三於嘻成禮

徹饌樂奏咸平之章 無舞

犧象在前豆籩在列以享以薦既芳既潔禮成樂備人神和

清遠縣志

卷六

經政

七

悅祭則受福率遵無越

送神樂奏咸平之章 望燎同

有嚴學宮四方來崇恪恭祀事威儀誰誰歆茲惟馨神馭還復明裡斯畢咸膺百福

新樂章

乾隆八年
部頒

大哉 孔子先覺先知與天地參萬世之師祥徵麟紱韻答金絲日月既揭乾坤清夷

初獻樂

寧平之章

有舞

予懷明德玉振金聲生民未有展也大成俎豆千古春秋上丁清酒既載其香始升

亞獻樂

安平之章

有舞

式禮莫愆升堂再獻響協鼗鏞誠孚壘甌肅肅雍雍譽髦斯

彥禮陶樂淑相觀而善

終獻樂 景平之章 無舞

自古在昔先民有作皮弁祭菜於論思樂惟天牖民惟聖時
若彝倫攸敘至今木鐸

徹饌樂 咸平之章 無舞

先師有言祭則受福四海鬻宮疇敢不肅禮成告徹毋疏毋
瀆樂所自生中原有菽

送神樂 咸平之章 無舞

鳧繹毳毳洙泗洋洋景行行止流澤無疆聿昭祀事祀事孔
明化我蒸民育我膠庠

正殿陳設祭品帛一白牛一羊一豕一登一鉶二簋二籩二簋
十豆十罇一白磁爵三

清遠縣志

卷六

經政

八

四配陳設祭品帛一白豕一羊一鉶一簋二籩二簋八豆八罇
一白磁爵三

十哲東位陳設祭品帛一白豕一鉶各一簋各一籩各一籩各
四豆各四豕首一白磁爵三

西位祭品同
東廡陳設祭品帛一白豕三每案簋一籩一籩四豆四銅爵各

一
西廡祭品同

崇聖祠每歲春秋仲月上丁日致祭正祭日具朝服贊引官承
祭官入

後殿左門至盥洗處盥手畢典儀唱執事官各司其事贊引官
贊就位承祭就位立典儀唱迎

神贊引官贊跪叩興承祭官行三跪九叩頭禮興典儀唱奠帛行
初獻禮贊引官贊陞

壇承祭官入殿左門贊引官贊詣

肇聖王位前承祭官詣位前立贊引官贊跪承祭官行一跪一叩
頭禮興贊引官贊奠帛捧帛官跪進承祭官受帛拱舉立獻
畢贊獻爵執爵官跪進承祭官受爵拱舉立獻畢行一跪一
叩頭禮興贊引官贊詣

裕聖王位前次詣

詒聖王

昌聖王

啟聖王位前奠帛獻爵如前儀贊引官贊詣讀祝位承祭官詣讀
祝位立讀祝官至祝文案前一跪三叩頭捧祝版立於案左

清遠縣志

卷六

經政

九

贊引官贊跪承祭官讀祝官俱跪贊引官贊讀祝讀祝官讀
畢捧祝版跪安案上帛匣內三叩頭退贊引官贊叩興承祭
官行三叩頭禮興贊引官贊詣

先賢顏氏位前承祭官詣位前立贊引官贊跪承祭官行一跪
一叩頭禮興贊奠帛捧帛官跪進承祭官受帛拱舉立獻畢
贊獻爵執爵官跪進承祭官受爵拱舉立獻畢行一跪一叩
頭禮興贊引官贊詣

先賢曾氏位前次詣

先賢孔氏

先賢孟氏位前奠帛獻爵如前儀畢贊引官贊復位承祭官後
位立典儀唱行亞獻禮獻爵於左如初獻儀典儀唱行終獻
禮獻爵於右如亞獻儀典儀唱徹饌唱送

神贊引官贊跪叩興承祭官行三跪九叩頭禮興典儀唱捧祝帛
饌各恭詣燎位捧祝帛官至位前一跪三叩頭捧祝帛起捧
饌官跪叩不捧饌起依次送至燎位承祭官退至西旁立候祝
帛過仍復位立典儀唱望燎贊引官贊詣望燎位承祭官至
燎位立焚祝帛贊引官贊禮畢退

祝文

部頒

惟

王奕禩鍾祥光開聖緒盛德之後積久彌昌凡聖教所覃敷悉循
源而溯本宜肅明禋之典用申守土之忱茲屆仲春秋聿修祀

事配以

先賢顏氏

先賢曾氏

清遠縣志

卷六

經政

十

先賢孔氏

先賢孟氏尚饗

祭品

正位陳設五案每位禮神制帛一白白磁爵三羊一豕一鉶二

簋二籩二籩八豆八酒罇一

配位陳設每位一案禮神制帛二白豕首一豕肉一每位銅爵

三簋一籩一籩四豆四酒罇一

兩廡陳設禮神制帛二白每位銅爵三簋一籩一籩四豆四豕

肉一酒罇一祭祀經費即在正祭項內

謹按會典文廟為中祀

名宦祠祝文

見舊志

惟公德政昭著嘉惠我邦凡在士民莫知所報惟茲仲春秋

謹以牲醴庶品用申嘗祭尚饗有司主祭

鄉賢祠祝文見舊志

山川靈秀賢哲克生盛德芳名百世是式惟茲仲春秋謹以牲

醴庶品用申嘗敬尚饗有司主祭

關帝廟每歲春秋仲月上戊日致祭祭曰贊引官引承祭官
進左旁門至盥洗所盥洗畢引至殿內行禮處立典儀唱執
事官各司其事贊引官贊就位承祭官就位立典儀唱迎
神司香官捧香盒跪於爐左贊引官引承祭官至爐前立贊上
香承祭官上炷香於爐內又三上瓣香畢贊引官贊復位承
祭官復位立贊引官贊跪叩興承祭官行三跪九叩頭禮興
與儀唱奠帛行初獻禮捧帛官跪獻畢行三叩頭禮退執爵
官立獻爵於案上正中退讀祝官至祝案前一跪三叩頭捧

清遠縣志

卷六

經政

十一

祝文立贊引官贊跪承祭官讀祝官俱跪贊引官贊讀祝讀
祝官讀畢興捧至案前跪安帛匣上三叩頭退贊引官贊叩
興承祭官行三叩頭禮興典儀唱行亞獻禮執爵官獻爵如
初獻儀獻於案左退典儀唱行終獻禮執爵官獻爵如亞獻
儀獻於案右典儀唱送

神贊引官贊跪叩興承祭官行三跪九叩頭禮興典儀唱捧祝
帛恭詣燎爐捧祝帛官至

神位前一跪三叩頭捧祝帛起司香官跪捧不叩承祭官避立西
旁候祝帛過仍復位立贊詣望燎位承祭官至燎所祝帛焚
半贊引官贊禮畢各退

祝文部頌

維 神浩氣凌霄丹心貫日扶正統而彰信義威振九州完

大節以 忠貞名高三國神明如在徧祠宇於寰區靈應丕
昭薦馨香於歷代屢徵異蹟顯佑羣生恭值嘉辰遵行祀典
筵陳 豆几奠牲醪尚饗

祭品陳設禮神制帛一白白磁爵三牛一羊一豕一果品五
酒一罇祭祀經費例支銀四十兩在地丁項下動支

祭後殿行二跪六叩頭禮餘儀同

祝文 部 頌

維 公世澤貽庥靈源積慶德能昌後篤生神武之英善則
歸親宜享尊崇之報列上公之封爵錫命優隆稽三代以肇
禋典章明備恭逢諏吉祇事薦馨尚饗

祭品陳設帛一白豕各一羊各一籩豆各八經費在正祭項

內

清遠縣志

卷六

經政

十二

謹按關帝廟為羣祀同治五年升人中祀

文昌廟每歲二月初三八月十八日致祭承祭官三獻俱行
三跪九叩首禮祭品帛一牛一羊一豕一登一鏹一籩十豆
十後殿祭品帛各一籩豆各八承祭官行二跪六叩頭禮餘
同前殿祭祀經費例支銀二十六兩六錢六分七厘在地丁
項下動支

祝文 部 頌

維 神蹟著兩垣樞環北極六匡麗曜協昌運之光華累代
垂靈為人文之主宰扶正以彰夫感召薦馨宜致其尊崇茲
屆仲秋 春用昭時祭尚其歆格鑒此精虔尚饗

祭後殿祝文 部 頌

祭引先河之義禮崇反本之思矧夫世德彌光延賞斯及祥

累代烟列宿之精靈化被千秋緯人文之主宰是尊後殿
用答前庥茲值仲秋春肅將時事用申告潔 神其格歆尚饗
經費卽在正祭項內

謹按會典文昌廟爲羣祀同治五年升入中祀

天后神廟每歲春秋仲月上癸日致祭祭品未有定例儀注

與文昌廟同

祝文

維 后配天立極護國徵祥河清海晏物阜民康保安斯土
福庇無疆千秋鞏固萬載靈長神恩思報聖澤難忘虔修祀
事恭薦馨香士民一德俎豆同堂仰惟昭格鑒此蒸嘗尚饗
風神廟每歲春秋仲月天干之己日致祭
火神廟每歲春秋仲月上丙日致祭

清遠縣志

卷六

經政

十三

謹按會典火神廟爲羣祀又按舊志云查天后火神二廟
春秋二祭歷年共支銀一十四兩四錢係由縣捐支並無
報銷之項

名宦祠

鄉賢祠

忠義節孝祠

俱同丁日致祭儀同兩廡

祭忠義孝弟祠祝文

惟 靈稟賦貞純躬行篤實忠誠奮發貫金石而不渝義問
宣昭表鄉閭而共式祗事懋彝倫之大性摯莪蒿克恭念天
顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几筵尚饗

祭節孝祠祝文

惟 靈神心皎潔令德柔嘉矢志完貞全閨中之亮節竭誠
致敬彰壺內之芳型茹冰蘖而彌堅清操自勵奉盤匱而匪
懈篤孝傳徽

絲綸特沛乎殊恩祠宇昭垂於令典祇循歲祀式薦尊醪尚饗

習儀經費 廣州府屬共支銀六兩八錢三分四厘零

阮通志

右祀典

經政 學校

歲考取進文武生各八名科考取進文生八名廩生二十名
增生二十名二年歲貢一名康熙五十五年准衛所屯丁科
歲入學二名送府學肄業今裁

雍正三年令於文人最盛之地增廣入學額數清遠增至十
二名載府志其後裁減仍入學八名

清遠縣志

卷六

經政

十四

咸豐十年因籌捐軍餉加永遠文武學額一名

同治元年因籌捐京米加永遠文武學額一名

同治四年因守備侯勉忠報效勇餉銀二萬兩加文武永遠
學額二名

試場經費

每科額入文生八名每名應解考棚銀一十五兩二錢七分
九厘共應解銀一百二十二兩二錢三分二厘如遇撥府每
一名照數補解

書院義學經費

鳳城義學乾隆二年知縣陳哲捐建八年詳撥東林寺鄉小
斗租穀七百五十石復撥鰲塔寺租穀二百五十石合共一
千石歸縣征收以爲延師課訓之費

鳳城書院山長每歲束脩銀一百兩薪水銀五十兩由歸縣
征收租穀變價支送

書院生童官課獎賞銀無定數由歸縣征收租穀變價支發

書院生童館課膏伙銀每年一百四十兩由從前闔邑捐置

灰沙基寮租銀支發

道光十年買梁姓龍塘墟邊灰沙基菱
角坳西白嶺矮嶺仔等處共種子六十
餘石魚塘大小二口基上竹寮一座石車一副灰沙禾場
一個另黃堡埭田租穀五十二石價銀一千六百二十兩

每年租銀一
百四十兩 文武鄉試每人賓興銀一兩四錢四分

文武會試每人公車費銀一十兩俱由文廟租銀支發

光緒二年五月舉人麥瑞芳用銀四百五十二兩買下廓稅

舖一間每年批租銀三十一兩

此舖在迎華壇開口數上第
六間坐北向南一連兩進十
七坑前至官街
後至扁栢巷 九月用銀五百兩領委員查封南門內外

上下廓賭館十一間十一月用銀一百一十兩買城內舖一間

清遠縣志

卷六

經政

十五

每年批租銀一十兩

此舖在祖巷口數下第
二間十七坑一連兩進

併送與書院交

文廟值事管理租銀永為生童添補膏火另送銀二百兩為

修舖及解繳舖價補平費用除補平護解刻碑支銀三十三

兩尚有銀一百六十七兩送交值事收領

附
二品
臬憲告示
臬憲告示
臬憲告示

處提刑按察使司按察使兼管全省驛事
十次周為出示曉諭事案照清遠縣會同委員稟查

封該縣城南門內外上下廓等處賭館十一間
內鳳凰街口三間坐西向東一間深二丈四尺五寸濶一

丈又坐北向南一間橫排四進頭深一丈濶三丈二尺
二進深八尺濶二丈三寸進深一丈五寸濶二丈四尺

深一丈濶一丈八尺三寸又坐南向北一間正間深八尺
六寸濶一丈八尺五寸又坐西向東四寸濶八尺六寸另

南門外賭館一間坐東向西一間深三丈三寸
一丈濶一丈四尺又坐西向東一間深三丈四尺

濶連巷共一丈四尺又坐西向東一間深一丈七尺五寸
濶一丈五尺二寸又坐西向東一間深一丈七尺五寸

巷深二丈七尺二寸濶一丈六尺四寸後進巷橫門入正廳
深一丈五尺二寸濶一丈四尺又進城外上廓街坐西

向東橫三進頭濶一丈六尺濶七尺中進廓深一丈濶一丈
三尺橫三進深一丈濶一丈

間坐西北向東南深一丈八尺三寸深一丈八尺三寸又上廊街房東向西北向東南深一丈八尺三寸深一丈八尺三寸又上廊街房共二丈右邊一間深一丈二尺四寸濶連廂房共一丈七尺九寸俱連上蓋磚瓦木料地基共估價銀五百兩示召業戶職員麥瑞芳繳價承領送歸該書院交文廟值事召租正業生理租銀永作生童月課膏伙之資將價批解到司並請給照遠管業情前來除將價兌收存庫充公及聲明嗣後永遠不准該業戶麥瑞芳復開賭館及違禁事業各緣由給照管業外行出示曉諭爲此示該縣紳民士庶胥差人等知悉爾等務須各安本分營謀正業生理毋得覬覦爭執復開賭博及違禁事業如故違許業戶及左右鄰對戶人等指控拏究封禁毋扶同朦混致有訪聞或被告發同勒石鳳城書院

同治四年總督巡撫督學各憲批定清遠學新進文武生印金及出貢補廩冊金條款

一縣屬文武試取入縣學府學除小斗八百石額租穀外由文廟公項每名送兩學官共印金貳拾肆員書斗隨封在內另每名送兩學共印色銀肆員給學書共銀一兩兩學門斗

清遠縣志

卷六

經政

十六

共銀一兩兩學隨人共銀七錢二分所有原額廣額倍額及加額均照此數毋得於廣額倍額加額另行索增其有本縣人寄別縣籍入學及入學後經奉撥回本籍或需印金仍不得向公項問取

一兌送印金銀兩每員重七錢二分酌永司碼平式毋得增減

一縣府文武新進每例送兩學官共贄敬銀捌員書斗隨禮銀壹兩式錢係各新進自備

一凡進學者貧富一體均按現定銀數致送不得私有增減一文武新進查確果無鎗冒情弊書斗捏詞索詐令其不註冊赴覆者各廩保新進務必聯名公保以免混累

一文武新進入縣學府學各名數以大覆後覺案內額數聲

名為準其印金銀即於大覆後三日內按名彙送

一文武生丁憂起復報故補例各册金兩學共送銀七錢式分至送考文生遺才册金新式兩壹錢六分舊壹兩零八分武生遺才册金新四兩叁錢式分舊式兩壹錢六分均係自行辦理兩學毋得加增

一生員補增由學造册通報送兩學册金共式員書斗隨禮在內若補廩則送兩學册金銀共拾大員書斗共銀壹員餘無別欸

一廩生出貢由學造册通報送兩學共册金六員書斗共銀壹員餘無別欸

一生員考經古送兩學造册銀七錢式分文童考經古送兩學造册銀七錢式分書斗費用一應在內

清遠縣志

卷六

經政

十七

以上條欸併批語勒石在文昌廟中

學田碑記

特授清遠縣儒學正堂司徒副堂顏及耆民白宜芳等將得濱屬屯步堡水東村監生白夢蛟為給示勒石事照其祖西緣嘗麟書嘗遺糞脚田遞年額收租谷四百八十餘石歲納民米共七石五斗一升零一勺另舊陞科民米一斗九升五合七勺稟送前來浸潭堡蘆苞村職員馮志進等將其祖爾錫嘗遺糞脚田遞年額收租谷二百零五石餘納民米四石三斗九升二合令稟送前屯步堡茅田村都司朱鸞等將其祖蒼衡嘗遺糞脚田遞年額收租谷一百零五石餘納民米二石六斗七升稟送前來又禾雲堡田心村職員梁澤孚等將其祖秀客嘗遺糞脚田遞年額收租谷一百零五石餘納民米三石零八合五勺稟送前來送年額收租谷一百零五石餘納民米三石零八合五勺稟送前來輸糧在案嗣念該紳耆義舉可嘉特給印照免各該裔子孫進庠卷册印金以紳耆義舉可嘉特給印照免各該裔子情到學據此查邑厚意聯名稟請給示勒石以垂永遠等為不遵稟應凡所請合行給示仰白夢蛟等紳耆遵照孫梁秀客裔子孫多寡其裔孫印金永遠概行割免以示獎勵異日各裔子孫克

紹書香當知爲善食報之意不得以濫竽他族爲本支大失本儒學獎勵寔意各宜凜遵毋違特示 同治十年十月

月吉日勒

右學校

經政 學田

一明萬曆中知縣莆田蘇廷龍捐俸買置池水鄉土名禾雲沙水烏石村前寨脚等田稅六十畝四分九厘七毫六絲秋糧一石零四升九合八勺一抄

一增撥瑞峯廢寺田土名爛泥坑苦竹坑禾尙岡松栢良龍歸水等田稅二頃二十九畝五分三毫秋糧四石一斗五升六合六勺入清遠學給濟貧生以上二項共稅二頃八十九畝九分九厘四毫六絲原額米一十石零八斗八升七合載興二七甲李如桂戶原額租穀三百七十石但歲有豐歉各

清遠縣志

卷六

經政

十八

佃良歹不一遞年十僅收七八隨時價值變銀支解

納額徵條銀一十七兩四錢七分色米一石二斗二升二合一解學憲給發貧生銀四十三兩一錢五分四厘另搭馬各費

按清遠舊無學田有之自蘇君始蘇君捐俸置廢寺田貯學除輸糧支給書役外悉供諸生月考燈油之費後總督都御史劉繼文又捐金買瑞峯廢寺田增撥入學給濟貧生意良善也今祇存其名而寢失初意實有餽羊之感焉又按前項租穀向係在縣徵收雍正元年署三水縣黃公送學徵收雍正十二年奉部通行學租歸縣徵解牒學准覆照舊留徵收易銀移縣轉解詳奉學院批允在案

原廢寺田

一瑞峯廢寺田坐落池水鄉何崗都土名大灣師姑坑禾沙水嚮水苦竹脚爛坭坑白芒車圍等處一十一頃三十四畝八分四厘一毫又坐落滘江鄉高灘都土名黃塍上下湖九十块上岳一頃二十四畝零四分三毫

一羅漢廢寺田坐落興仁鄉後岡都土名高灘石板占果黃崗眉坑 竹脚樟崗禾尙坑麥竹坑等處四頃三十七畝四分三厘三毫

一 林廢寺田坐落清平鄉清湖都土名菩薩渦禾尙陂寺前河岡脚等處二頃四十五畝五分二厘八毫

一寶月廢寺田坐落善化鄉迴岐都土名喬車威整大坑口廟前後禾尙墳擔坭块等處六十七畝七分二厘五毫

一飛來廢寺退出在官田坐落靖定卿龍圍都土名沙凼圓

腿嶺葫蘆块上下木塘 禾尙田企沙涵稅四頃

已上五項共稅二十四頃零五畝九分三厘內除知縣蘇廷龍撥入清遠學田二頃八十九畝九分九厘四毫六絲又通縣紳士捐買入鰲塔寺五頃九十九畝七分外尙應稅一十五頃一十六畝二分三厘五毫四絲向係各佃承耕租銀在縣帶徵批解清遠學田始自前明萬曆年間知縣蘇廷龍捐俸及本邑十鄉里排價買瑞峯寶月羅漢等廢寺田以爲士子燈油之費緣從前有本籍撥府及考入南番兩縣學者故舊志開載有議入府學及南番兩縣學之田總之皆本邑之學田也因國初兵燹之後學校寥曠無人經理此項租田統歸清遠縣徵收遞年除納正供所有租銀解赴學院散給貧生而本邑府學縣學諸生不得

受其實益由來已久雍正五年府學官與府學生某窺遠學田一項縣志有議入廣南番三學字樣遂生覬覦僞監碑文突以懇恩賜詳等事詳 署撫憲常奉批據詳三學之田坐落清遠地方被教諭陳瑛率同學霸將三四兩年租穀兜收等語但此項學田既始自萬历年間由來已久照數移學按欵公用雍正三四兩年今被沉沒此中明有別情仰廣州府確查詳覆核奪奉府牌行到縣生員朱昶歐爲光等具詞訴明連繳縣志呈驗由知縣李治文查明詳覆知府張公銅洞悉其奸奉批此項租銀向解學憲從無移交府學之案某等顯屬多事妄控殊非閉戶讀書之士仰卽確查始末另具妥詳以憑核轉銷案不必拘提窮佃拖累無辜雍正六年八月內府學生某又串武舉某

誣以欺盜 聖產等事呈控奉督院孔批仰廣州府查報牌行審訊生員朱昶歐爲光遵卽赴府訴明知府吳公騫研審又指其奸脩文詳覆文內有如果有餘羨租穀從前三學諸生何獨無言三學教職何獨無詳如果有餘穀移送府學從前解租何無文案可稽收爲公用何無支册可據某等本應以誣告律擬姑請從寬將某發學戒飭某年逾七十罰銀五兩發普濟堂公用以爲多事者戒府學某嚴記過一次耕佃釋甯雍正八年三月內某又申何齊穆崔元光梁王佐等狡以隱佔叩乞照批等事徑赴布政司呈承此項學田蒙司行府查訊知縣張若谷見耕佃拖累日久異棍詭串多端詳請布政司盡將學田丈量明白仍召本邑農民耕種將何齊穆等解回原籍復蒙廣州府檄

行南海縣將何齊穆等責懲數年塵案始得清結

一額徵錢糧三十四兩一錢三分色米二石六斗丁銀一兩九錢湊解兵餉

一徵額租銀一百零三兩二錢九分九厘解赴學憲賑給貧生

一徵添承租三十兩零一錢七厘解府轉解充公

謹按解赴學憲賑給貧生租項此本邑內各廢寺田土原經給帖各里排在官納價承買管業多年後因大憲行文重復追價致里排退出還官則前田實里排價買之田也貧生雖有濟而當日各里排之受抑多矣舊志云然附載其說

城外東北隅杉兩一所原屬官山乃通邑來龍要處又爲學

清遠縣志

卷六

經政

二十一

官案山宜培補不宜損破乾隆初土棍麥逢泰等藉有岡側

魚塘一口冒佔耕鋤通邑士民具呈知縣陳哲具文通詳各

憲按律治罪退回杉岡歸公永禁鋤掘

舊縣志

謹按阮通志云原額學田三頃三十八畝八分九厘七毫

除納糧銀三兩二錢六分通計每畝徵銀一錢二分七厘

三毫三絲五忽共實徵銀四十三兩一錢五分三厘

兩學額租穀數列

后岡石板村等處每年額租穀二百九十石

東齋一百四十五石西齋一百

四十石 鄉征小斗

禾雲逆囊村上下沙村等處每年額租穀一百四十石

東齋七十

石西齋七十石 鄉征小斗

魚咀墟和順岡村每年額租穀叁百石

東齋一百五十石西齋一百五十石 鄉

征小斗

板潭等處每年額租穀叁拾石 東齋一十五石 西齋一十五石 鄉征小斗

垵仔龍歸水村每年額租穀七十石 東齋三十五石 西齋三十五石 鄉征小

斗

東齋每年應解貧生燈油銀二十一兩五錢七分八厘 另塔馬銀

一兩零七分九厘

西齋每年應解貧生燈油銀二十一兩五錢七分八厘 另塔馬銀

一兩零七分九厘

興一鄉七甲李如桂戶每年 納條銀八兩二錢三分五厘 納色米六斗一升一合三勺

港二鄉三甲黎遇泰戶每年 納條銀九錢九分正 納色米七升零五勺

二共條銀九兩二錢二分五厘加伸耗銀一兩五錢五分九厘

清遠縣志

卷六

經政

二十二

二共色米六斗八升一合八勺該銀二兩三錢七分三厘

東西齋同納

右學田

經政 兵制

明

守備南韶指揮一員嘉靖間設駐劄連州兼巡遊韶州清遠

等處以都指揮體統行事 阮通志

清遠衛在清遠縣城東官二十一員旗軍六百二十五名 府志

清遠縣民壯二十五名 同上

謹按舊志云天順元年召募民壯一百九十名陸續裁汰

至萬曆二十五年存一百零七名守庫獄四十巡捕廳十

二抽選操練二十一吹鼓手八本府聽差共八十二名俱

裁現存二十五名

迴岐司濱江司漕江司共弓兵一百二十名久裁舊志

舊制縣巡捕典史統民壯四十名衛巡捕或指揮或千戶統軍餘四十名遇警出截哨江或指揮或千戶統軍餘二十名民壯十名巡查江道詰奸護船有警擒截同上

清遠十鄉隨地廣狹設營多寡各立都千百長操練鄉夫防禦天順間知縣宋廣申立八鄉都總每鄉輪班撥夫十名隨步遇賊則同該鄉都千百長擒截謂之鄉兵同上

國朝

順治十四年設守備一員千總四員兵七百九十五名內英德江防官兵二百五十員名城守官兵一百五十員名清遠江防官兵二百五十員名城守官兵一百五十員名名爲英

清遠縣志

卷六

經政

二十三

清江防城守營守備駐劄清遠城提調英清江城四營官兵康熙二十三年清遠城守千總兵丁奉文全裁存留守備一員歸併英清江防一營清遠江防千總裁汰存留兵一百二十五名歸併英清江防一營以廣東右翼鎮標左營官兵分防奉撥把總一員帶兵二百五十七名駐劄三塊田汛分防漕江黃口等處又奉撥把總一員帶兵七十名駐劄石馬汛分防濱江頭巾灘各處又奉撥把總一員帶兵一百七十二名駐劄大燕汛分防塔脚山塘各處又奉撥把總一員帶兵五十二名駐守清遠城分防大壘底飛來塘各塘汛康熙二十五年委左營遊擊一員帶兵八十二名駐劄清遠城居中調度同上

康熙二十三年奉文裁併營制以英清江防城守營名爲英

清營守備一員千總一員把總一員兵二百五十名守備帶步戰守兵三十五名駐清遠縣城督巡英清河汛千總帶兵十六名原駐英德縣城乾隆二年移駐連州江口又督帶兵八十四名配架內河槳船七隻巡防英德各汛河道又守兵四名在黃土坑小樟走遞公文把總帶兵二十七名駐清遠縣城又帶兵七十二名配架內河槳船六隻巡防清遠各汛河道又守兵六名在滘江口梨塘走遞公文又守兵一名擺京路塘同康熙三十四年裁兵十名四十一年裁兵四名移撥三江口新協尚實兵二百三十六名雍正七年遵例在步戰兵內拔補外委把總一員協辦汛務

嘉慶二十一年總督蔣攸銛奏廣東英清營內河水師守備駐劄清遠縣與陸路南韶連鎮左營遊擊同城該守備所管

清遠縣志

卷六

經政

二十四

河面兩岸皆係南韶連鎮汛房且統轄英清營之副將遠在順德相隔三百餘里呼應不能便捷請將原駐清遠之南韶連鎮左營遊擊改為清遠營遊擊同城之英清營守備改為清遠營中軍守備仍隸南韶連鎮統轄又在濱江浸潭墟添設守備一員歸清遠營遊擊管轄分爲左右二營又在南韶連鎮標中營撥兵二十五名左營撥兵四百八十六名右營撥兵二十五名督標撥兵三十五名撫標撥兵三十名提標撥兵三十五名歸清遠營分左右營經管左營額弁兵四百五十一名內外委千把總三員額外外委二員馬兵十四名步兵一百六十一名守兵二百七十一名右營額弁兵四百零三名內外委千把總三員額外外委二員馬兵十四名步兵一百四十五名守兵二百三十九名

阮通志

道光十二年裁步兵十七名移撥新疆道光十三年裁步兵
二名守兵七名移撥三江協道光十九年裁步兵一名守兵
一名移撥水師礮臺道光二十年裁步兵一名守兵四名撥
大鵬協道光二十二年裁步兵四名守兵六名移撥天津道
光二十三年裁步兵四名守兵十三名移撥水師是年又裁
步兵四名守兵七名移撥廣州協咸豐二年裁馬兵十三名
改爲步兵同治七年裁左營步兵二名守兵三名裁右營步
兵二名守兵二名移撥赤溪營同治八年凡駐防分防兵丁
俱三成裁汰裁馬兵六名步兵八十五名守兵一百四十名
尙實弁兵五百五十二員名

清遠營遊擊一員

駐城內隸南韶連
鎮統轄左右二營

右營中軍守備一員

駐城內

清遠縣志

卷六

經政

二十五

左哨千總一員

駐連州
江口

左哨頭司把總一員

駐城內

左哨二司把總一員

分防官
莊汛

左哨外委千總一員

分防稔
坑汛

左哨頭司外委把總一員

分防白
廟汛

左哨二司外委把總一員

分防源
潭汛

左哨額外外委一員

分防大
灣汛

左哨頭司額外外委一員

分防高
田汛

額外外委連馬兵六名

左營現額兵丁共二百八十六名

內步兵一百零四名守兵
一百七十三名分防縣境

及英
德縣

左營駐防縣境兵丁共二百二十六名內

外委本身名糧三名

額外外委本身名糧二名

存城防兵七十一名

南門汛防兵四名距本營五里上至二里下至大壟底十四里

大壟底汛防兵四名上至一里

梨塘汛防兵四名上至五里

白廟汛防兵四名距本營三里至港三十六里上至港五里至飛來塘

陸路二里
外委一員

飛來塘防兵一名上至一里

漚江塘防兵一名上至一里

探塘汛防兵三名上至高田汛三十五里
以上俱在縣城東

高田汛防兵六名距本營七十五里

連州江口汛距本營一千二百員
防總兵二名
駐縣東北

清遠縣志

卷六

經政

二十六

黃土坑汛防兵四名距本營八十五里

坑汛防兵四名距本營七十里

大樟汛防兵四名距本營六十里

小樟汛防兵四名距本營五十里

黎洞汛防兵四名距本營四十里

大廟汛防兵四名距本營二十里

樟木衝汛防兵四名距本營二十里

三了塘汛防兵四名距本營一十里

稔坑汛防兵四名距本營百

大坪角汛防兵三名距本營九十里

黃洞汛防兵四名距本營八十里

庄汛距本營五里
駐防把總一百二十員

湯塘汛防兵四名距本營前一百二十五里

關前汛防兵四名汛下三至清里

清水逕汛防兵二名汛下六至黃里

黃口汛防兵二名汛下十至獨里

獨樹汛防兵二名汛下十至江口

滙江口汛防兵二名汛下三至洲里

洲心汛防兵四名二上十至源里

源潭汛分防外委一員兵八名汛上三至十里

官田汛防兵二名距縣城百四十里
以上十汛在縣城東南

清遠營右營守備一員潭分汛防浸

右哨千總一員潭分汛防浸

右哨頭司把總一員燕分汛防太

清遠縣志

卷六

經政

右哨二司把總一員坎分汛防石

右哨外委千總一員潭分汛防浸

右哨頭司外委把總一員塘分汛防龍

右哨二司外委把總一員坑分汛防三

右哨額外外委一員子分汛防壩

右哨頭司額外外委一員界分汛防上

右營現額兵丁共二百五十七名內額外委守兵一百五十九名

十二名分防縣境及英德縣

右營駐防縣境兵丁共二百四十七名內

外委本身名糧三名

額外外委本身名糧二名

黃岡逕汛防兵四名距縣城三十里上至駱坑汛十里

駱阮汛防兵四名
逕下汛至黃岡

頭巾灘汛防兵四名
汛上至珠坑

珠坑汛防兵三名
汛上至沙河

沙河汛防兵四名
汛上至浸潭

浸潭汛防兵五十二名
汛距縣城一百三十里上至九龍

壩子汛防兵一十名
九距縣城八十里外委一員

橫石汛防兵六名
七距浸潭汛

九龍汛外委一員兵十名
四距浸潭

大燕汛防兵二十四名
八在縣城南四十里

鰲塔汛防兵四名
汛距縣城八里至上至左營南門

正江汛防兵四名
汛下至五里塘

山塘汛防兵五名
汛下至五里燕

清遠縣志

卷六

經政

塘頭汛防兵四名
汛下至石基

石基汛防兵四名
牌下汛至上界

上界牌汛防兵八名
里下至額外委一員

龍塘汛防兵十四名
里距縣城外委一員

企嶺汛防兵四名
距龍塘五里

蓮婆逕汛防兵四名
汛距石基

石坎汛防兵十六名
十在本營把總一員

龍頸汛防兵三名
十距本營至八十里上至石坎汛三

平岡汛防兵四名
汛距本營一百一十里上至龍頸

龍窟汛防兵三名
汛下至石馬

石馬汛防兵四名
汛下至五里

三坑汛防兵八名
十在本營外委一員

陂頭汛防兵八名

距本營一百八十五里至三坑汛十五里上至山塘汛三十里

迴瀾汛防兵三名

距本營一百六十里上至鰲塔汛十里

附兵船

清遠營清遠界河內汛共小船十二隻英德界內河汛共小船九隻

左營第四號哨船一隻安兵一十五名第七號巡船一隻安兵八名第六號巡船一隻安兵八名

右營小三板船二隻第三號槳船一隻安兵十四名第四號

槳船一隻安兵十二名第五號巡船一隻安兵六名第六號

巡船一隻安兵六名第一號哨船一隻安兵六名第二號哨

船一隻安兵六名查康熙二十三年內奉督院牌行營汛各

槳哨船遇有壞爛三年一修文捐物料武捐工匠雍正十三

清遠縣志

卷六

經政

二十九

年奉行請領朋銀修造題入額制咸豐四年兵船盡廢河防一帶俱用勇船以爲巡查

附兵器

明初衛所軍器咸有定制永樂以來因時損益其料銀徵七於民徵三於軍舊制軍器減半成造料銀亦減半歲徵嘉靖十三年始間歲一徵軍器亦間歲一造十五年例減半歲徵軍器仍間歲一造十八年以後徵解兵備道發縣貯之候成造支用二十五年以後解布政司遇成造年衛所具數報兵備道通詳遣官領支舊額四門器械眉刀八小眉刀四鈎刀六鏹頭二月斧三大銅銃一鐵爐銃一百子銃四木弩十四弩箭一百四十又崇禎元年在局給發器械標鎗三百二十鳥鎗二十一挑刀十鏹頭十一飛鏹四火藥二塔

以上載舊縣志

按舊志所載軍器與今懸殊今將現額設軍器具後

防守縣城礮八位 左右二營弓箭一百九十七副 牌刀一百零五口 藤牌一百一十八面 背刀三十六口 挑刀四十四口 鐵盔甲六百三十三頂身 腰刀七百七十口 紅綾大燵四副 棉甲二十頂身 鑼鍋一百零五口 帳房九十七頂 子母礮三尊替子十五個 行營礮三口 小班鳩礮十五門替子四十七個 大班鳩礮二門替子八個 封口八百六十二觔十一兩 過山鳥礮三位 黑鉛二千四百二十四觔十二兩 窩封羣子二百五十四觔四兩 大刀九把 火藥九千五百三十四觔 木長鎗二十六枝 馬鎚二十三把 紅心絲綢大燵一十四面 斗方黃布旗二十面 黃布飄帶二十二條 三眼鎗一

清遠縣志

卷六

經政

三十

竿 銅鑼二十七面 長鎗二十桿 大旗九副 塔連四

條 網戰圖三堂

朱志稿
據營冊

咸豐四年陷城營中軍械毀失復城後陸續製補以備操防

防城大砲共二十六尊俱咸豐五年復城奪獲內

土鑄三千觔大砲一尊派安南便獅巷口上砲台

土鑄六百觔大砲一尊派東門城樓上

土鑄四百觔大砲一尊派安東門左便塚子

土鑄三百觔大砲一尊派安東門右便塚子

洋裝八百觔大砲一尊派安東門樓上

土鑄六百觔大砲一尊派安西門樓砲台

洋裝六百觔大砲一尊派安西門樓砲台

洋裝散口六百觔大砲一尊派安西角樓

上鑄八百觔大砲一尊派安西角樓

土鑄八百觔大砲一尊派安西南角塘仔邊砲台

上鑄八百觔大砲一尊派安茅巷街尾

土鑄八百觔大砲一尊派安西門樓

土鑄八百觔大砲一尊派安北門樓

土鑄五百觔大砲一尊派安北門樓

以上大砲十四尊因在城樓雨濕抬回學宮大廚房安放

散口洋裝八百觔大砲一尊派安北門樓上便

散口洋裝三百觔大砲一尊派安西角樓

以上二尊抬回遊府署內安放

洋裝散口大砲一尊重八百觔仍安南門左便砲台

清遠縣志

卷六

經政

三十一

土鑄四百觔大砲一尊仍安南門樓

土鑄二百觔大砲一尊派安先鋒街尾

以上三尊安放南門樓上便砲台

洋裝散口八百觔大砲一尊

土鑄八百觔大砲一尊派安鳳凰閣塚子

土鑄六百觔大砲一尊派安南門樓砲台

土鑄三百觔大砲一尊派安北門砲台

以上四尊抬回南門樓

土鑄六百觔大砲一尊派安西角樓

洋裝三千觔大砲一尊派安茅巷尾

一千觔銅砲一尊派安北門樓

以上二尊抬回 武廟安放

營册

照應松岡
緊要處

照應西門
緊要處

右兵制

經政 馬政

順治初定各省驛馬倒斃動支本驛錢糧通融買補其歷年開銷價廣東每匹開銷二十八九兩至三十兩止 大清會典

順治十六年覆准提督馬二十四匹總兵馬十六匹副將馬十二匹叅將馬八匹遊擊馬六匹都司守備馬四匹千總把總馬各二匹七年題准各省營馬如對陣追賊損失者免賠如走失被盜者本人照例賠補其倒斃馬匹每馬以十五兩為額賠責數目每年遞減至十五年免追八年覆准賠補倒馬每馬以十兩為額每年遞減至十年免追八年覆准直省各營副將以下把總以上每月官扣銀二錢馬兵扣銀一錢步兵扣銀五分守兵扣銀三分存署各營以幫買馬之用十年

清遠縣志

卷六

經政

三十二

覆准廣東調征兵丁馬匹倒斃應免責懲賠椿銀兩量減一半

康熙四年題准廣東地方賠椿銀兩准照十兩減半一年內倒斃者五兩二年内倒斃者四兩五錢三年者四兩過三年

者免賠 俱同上

五年題准營馬倒斃如符年限者准用朋扣銀買補若年限不符除照例賠椿外亦准用朋扣銀買補 則例

廣東各營每報倒馬一匹領價銀十八兩 營冊

清遠營戰馬三十七匹坐馬二十八匹咸豐二年奉裁營馬十一匹改為步兵現存戰馬十四匹坐馬二十二匹 營冊

按各官俸餉及賞恤銀兩馬料等項俱詳祿餉

右馬政

經政 郵政

安遠橫石機迴岐官莊四驛郝通志向設安遠驛丞乾隆二十

一年裁安遠驛在縣城西橫石機驛在縣東北九十額設驛

船五隻水手二十名 額設舖兵三十九名 縣前舖舖兵三名

至獨樹舖五里又十里至赤硃岡舖又十六里至大坳岡舖

又二十里至石角舖又三十里至明邊以上每舖兵一名又三十里

至三水縣大坵舖 縣前舖至金雞舖二十五里又二十五

里至峽頭舖又二十五里至石梨舖又二十五里至橫石舖

以上每舖兵二名 橫石舖至大塘三步水舖舖兵一名 各十五里三步

水舖至風門十五里大塘舖至北坑舖十五里又十五里至

下岳舖又十五里至南坑舖又十五里至渡頭舖又十五里

至烏石舖以上每舖兵二名 又十五里至大廟舖舖兵三名 又十五里至

清遠縣志

卷六

經政

三十三

白石舖又十五里至丹竹舖二舖每舖兵二名 又十五里至白土舖

三舖兵三名 又十五里至從化縣野鴨舖又至花縣縣前舖五十里

又大廟舖至大塘坵舖三十里

右郵政